



宋繫太平御覽



和装本

增
402
152



列仙傳曰赤斧者巴戎人爲碧雞祠主簿能鍊丹與消石
服之三十年身反童子髮毛皆赤數十年上華山取禹餘
糧餌之手中長有赤斧

博物志曰扶海洲上有草焉名曰藟音師草其實食之如大
麥從七月稔熟民斂至冬乃訖名自然穀或曰禹餘糧今
藥中有禹餘糧者世傳昔禹治水弃其所餘食於江中而
爲藥也

博物志曰地有蓼名則禹餘糧生亦有蓼名無者矣
范子計然曰禹餘糧出河東

本草經曰太一禹餘糧一名石腦味甘平生山谷治欬逆
上氣癆瘵血閉漏下除邪久服能忍寒暑不飢輕身飛行
千里神仙生太山

又曰禹餘糧味甘寒生池澤治欬逆寒熱煩滿下利赤白

血閉癆瘵大熱久服輕身生東海

吳氏本草經曰太一禹餘糧一名禹哀神農岐伯雷公皆
平季氏小寒扁鵲甘無毒生太山上有甲甲中有白白中
有黃如雞子黃色九月採或無時

消石

吳氏本草經曰消石神農苦扁鵲甘

范子計然曰消石出隴道

本草經曰消石一名芒消味酸苦寒生山谷治五藏積熱
生益州

朴消

本草經曰朴消味苦寒生山谷治百病除寒熱邪氣除六
府積聚結癖山谷之陰有鹹苦之水狀如芒消而麓能化

本草經曰

卷九百八十八

二

旺

七十二種石練餌服之輕身神仙生益州
吳氏本草曰朴消石神農岐伯雷公無毒生益州或山陰
入土千歲不變練之不成不可服

雄黃

玄中記曰負丘之上多大蛇以雄黃精厭之
水經曰黃水出零陽縣西北連巫山溪出雄黃頗有神異
採常以冬月祭祀鑿石深數丈方得故溪水取名焉
淮南萬畢術曰夜燒雄黃水蟲成列水蟲開燒雄黃
是氣皆趣火
吳氏本草曰雄黃神農苦山陰有丹雄黃生山之陽故曰
雄是丹之雄所以名雄黃也

雌黃

吳越春秋曰太官舍春申君所造殿後殿名逃夏宮春申
子假君宮也數失火因塗雌黃故曰黃堂臨海水

土物志曰丹山草木赫然盡形雌黃所產煒煌內含奇寶
外發英光昔隸交部今則南康

典術曰天地之寶藏於中極命曰雌黃雌黃千年化為雄
黃雄黃千年化為黃金

本草經曰雌黃石金味辛平生山谷治身癢諸毒

王隱晉書曰馬隆擊涼州以磁石累道側賊負鐵鎧不得
過以為神

呂氏春秋曰磁石召鐵或引之也石藏之母也石之不
慈者亦不能引之也

抱朴子曰五石者丹沙雄黃白礬石曾青磁石也一石轉
五轉而各成五色五石合為二十五色
南州異物志曰漲海崎頭水淺而多磁石外徼人乘大船
皆以鐵鍊之至此關以磁石不得過

淮南萬畢術曰磁石拒基取雞血與作針口磨鐵壽之以和磁石日塗基頭曝乾之置局

又曰磁石懸入井亡人自歸取亡人衣帶裏磁石懸井中亡人自歸

本草經曰磁石一名玄石味辛寒生川谷

吳氏本草曰磁石一名磁君

石膏

廣州記曰彰平縣有石膏山望之皎若霜雪

本草經曰石膏味辛微寒生山谷治心下逆驚喘口乾焦

不能息

滑石

南越志曰管音察城縣是出管石管石即滑石也土人以爲

燒器以用烹魚

本草經曰滑石味苦寒生山谷治身熱泄癉生棘陽

范子計然曰滑石白滑者善

礬石

本草經曰礬石一名羽涅泥結味鹹酸寒生山谷治寒熱

泄痢惡瘡目痛堅骨鍊餌久服輕身不老生河西

盛弘之荆州記曰建平出礬石

范子計然曰礬石出武都

吳氏本草曰礬石一名羽涅一名羽神農岐伯酸扁鵲鹹

雷公酸無毒生河西或隴西或武都石門採無時岐伯久

服傷人骨

曾青

衡山記曰衡山有曾青崗曾青可合仙藥

淮南萬畢術曰取曾青十斤燒之以水灌其地雲起如山

雲矣曾青爲藥令人不老

本草經曰會青生蜀郡名山其山有銅者會青出其陽青者銅之精能化金銅

空青

江乘地記曰樵採者嘗於山上得空青此山三朝出雲雨必降民以為常占

范子計然曰空青會青出巴都白青又出巴郡盧青出農豫章

本草經曰空青味甘寒生山谷明日久服輕身延年能化銅鉛作金生益州

吳氏本草曰空青神農甘□□酸久服有神仙玉女來侍使人志高

白青

本草經曰白青味甘平生山谷明目利九竅耳聾殺諸毒

之蟲久服通神明輕身延年出豫章

范子計然曰白青出白郡

吳氏本草曰神農甘平雷公鹹無毒生豫章可消為銅

淮南萬畢術曰白青得鐵即化為銅取礬石白青分等治合鐵即成銅矣

本草經曰扁青味甘平生山谷治目痛明目辟毒利精神

久服輕身不老生朱崖

吳氏本草經曰扁青神農雷公小寒無毒生蜀郡明目治癰腫風痺丈夫內絕令人有子久服輕身

長石

本草經曰長石一名方石味辛治身熱

吳氏本草曰長石一名方石一名直石生長于山理如馬

齒潤澤玉色長服不飢

吳錄地理志曰鬱林布山縣多虺其毒殺人有冷石可以解之石色赤黑味苦屑此石著劍并以切齒立蘇一名竊齒見大康地記也

石蜜

神仙傳曰羨門止中岳澆石蜜紫梁西京雜記曰閩越王獻高祖石蜜二斛

本草經曰石蜜一名石飴味甘平生山谷治心邪安五藏益氣補中止痛解毒久服輕身不老生武都

吳氏本草曰石蜜神農雷公甘氣平牛河原或河梁

本草經曰玉泉一名玉澧味甘平生山谷治藏百病柔筋強骨安魂長肌肉久服能忍寒暑不飢渴不老神仙人臨

死服五斤死三年色不變生藍田

吳氏本草經曰玉泉一名玉屑神農岐伯雷公甘李氏平畏冬華惡青竹

水銀

廣雅曰水銀之滇音紅董切淮南萬畢術曰朱沙為滇

本草經曰水銀味辛寒無毒

決明音京本草經曰石決明味酸草決明味鹹理目珠精

吳氏本草曰決明子一名草決明一名羊明

說文曰赭赤土也土出瀛州不谷不中山海經曰胞山灌水之中有流赭以塗牛馬無病郭璞注曰赭赤

土也今多以朱塗牛角云辟惡。又曰少陽山之中多美赭。南方草物狀曰赤土出踊山下在石中採好色赤者雜丹中朱漆器。

范子計然曰石赭出齊郡赤色者善蜀赭出蜀郡。本草經曰代赭一名血師好者狀如雞肝。

白堊音惡

山海經曰慈贛之山其中有太谷是多白堊黑青黃堊。范子計然曰青堊出三輔。

本草經曰白堊即白善土也生邯鄲。

鹵鹹

本草經曰鹵鹹一名寒石味苦治大熱消渴狂煩戎鹽主明目益氣去毒蟲大鹽一名胡鹽令人吐主腸胃結熱。

禽獸藥附

龍骨角齒附

史記曰穿渠自微引洛水至商顏。服虔曰顏音崖應劭曰微在馮胡或曰商顏山名穿梁得龍骨故名龍首渠。

盛弘之荊州記曰始安駭鹿山室鑿室內輒得龍骨。下有伏滔

范子計然曰龍骨出河東。本草經曰龍骨味甘平山谷治心腹鬼疰生晉地華陽國志曰蜀五城縣其上值天門天門龍升天不達死墜此地故掘取龍骨冬夏無已。

吳氏本草經曰龍骨生晉地山谷陰大水所過處是死龍骨色青白者善。十二月採或無時龍角畏乾漆蜀椒埋石龍齒神農李氏大塞龍齒治驚癇久服輕身。

牛黃

文七傳曰延篤為京兆尹桓帝時梁冀專政時皇太子疾

詔書發京兆出牛黃與遺諸生齋書持牛黃詣篤賣篤以爲詐論殺之

本草經曰牛黃味苦生隴西平澤時牛膽中治驚寒熱生晉地

吳氏本草經曰牛黃牛出入鳴吼者有之夜視有光走牛角中死其膽中如雞子黃

阿膠

東水經曰東阿縣有大井其巨若輪深六十丈歲常煮膠以貢天府本草所謂阿膠也故世俗有阿井之名庾信哀江南賦云阿膠不能止黃河之濁

海蛤

博物志曰東海有蛤鳥嘗啖之肉消盡殼起出浮泊在沙岸潮水往來措蕩白如雪入藥最良勝取自死者

本草經曰海蛤苦平生地澤治欬逆上氣喘煩胃痛寒熱

文蛤主惡瘡蝕五痔生東海

吳氏本草經曰海蛤神農苦岐伯甘扁鵲鹹大節頭有文文如磨齒採無時

犀角

本草經曰犀牛角味鹹治百毒

吳氏本草經曰靈羊角靈毒

本草經曰靈羊角安心氣不厭掩音

鹿茸

本草經曰鹿茸強志不老

吳氏本草經曰鹿茸強志不老

本草經曰麋脂近陰令人陰痿

本草經曰鴈肪

本草經曰鴈肪一名鶩肪味甘平生池澤治風孿拘急偏枯氣不通久服長髮益氣不飢不老輕身生南海吳氏本草經曰鴈肪神農岐伯雷公甘無毒採無時鶩肪殺諸石藥毒其遺志不悉

戴頭并尾

本草經曰戴辟不祥生淮南

吳氏本草曰戴尾治蠱毒

太平御覽卷第九百八十八

太平御覽卷第九百八十九

藥部六

天門冬 麥門冬 茯苓

猪苓 卷柏 金匱甘草 厚朴

黃精 胡麻 當歸 遠志

細辛 續斷 肉蓯蓉 諸蕪

地黃 天門冬 麥門冬 茯苓

天門冬

爾雅曰蔕蔕音冬也郭璞注曰今門冬也一名滿冬

山海經曰夔谷之山草多夔冬

列仙傳曰赤須子豐人好食天門冬齒落更生十人日食

神仙傳曰甘始者太原人服天門冬在人間三百餘年

博物志曰天門冬莖閒有刺而葉滑者曰郗休一名顯蕪

根以澆縑素白越人名為澆草似天門冬而非也凡服此
密試澆衣如法者便非天門冬門冬在入世五百餘年
抱朴子曰杜子服天門冬御十八妾有子百四十人日行
三百里山草名
又內篇曰天門冬或名地門冬山草名

麥門冬

潛夫論曰夫理世不得真賢譬猶治疾不得真藥也治疾
當得麥門冬及得蒸糠麥已不識真合而飲之疾以寢劇
而不知為人所欺也山草名

遊名山志曰泉山竹際及金州多麥門冬山草名
盛弘之荆州記曰魚復縣巖崖內生麥門冬
廣州記曰鄆平縣偏饒麥門冬
建康記曰建康出麥門冬

本草經曰麥門冬味甘平生川谷治心腹結氣傷中胃脉
絕久服輕身不飢不老生函谷山

吳氏本草曰麥門冬一名羊萐秦一名烏萐楚一名馬萐
越一名羊韭齊一名愛萐一名禹萐一名爨火冬一名忍
冬一名忍陵一名不死藥一名禹餘糧一名僕壘一名隨
脂神農岐伯甘平黃帝桐君雷公甘黑毒李氏甘小温扁
鵲無毒生山谷肥地某如萐肥澤叢生採無時實青黃

朮

爾雅曰朮山薊本草云朮一名山薊今朮似薊而生山中

山海經曰女兒之山其草多朮

列仙傳曰消子好餌朮接食其精三百年
神仙傳曰陳子皇得餌朮要方服之得仙去霍山其妻姜
氏疲病念其婿採朮之法服之病自愈至三百七十歲登

山取朮重擔而歸不息不極顏色氣力如二十時
抱朴子內篇曰南陽文氏其先祖漢末大亂飢困欲死遇
人教之食朮云遂不飢數十年乃來還鄉里顏色更少氣
力勝故朮一名山精
神藥經曰必欲長生當服山精

茯苓

廣雅曰茯苓苓也
史記龜策傳曰茯苓在兔絲之下狀似飛鳥之形新雨已
天清靜無風以衣燒兔絲去之即篝燭此地徐廣曰篝籠也蓋然火而籠罩其上土也火滅即記其處明即掘取入地四尺至七尺
得矣茯苓者千歲松脂食之不死
齊書曰陶弘景永明中上表辭祿許之賜以束帛勅所在
月給茯苓五斤白蜜二升以供服餌

淮南子曰下有茯苓上有兔絲茯苓千歲松脂也兔絲生其上而無根一名女蘿也
抱朴子內篇曰任子季服茯苓十八年仙人玉女往從之
面體如玉澤

范子計然曰茯苓出嵩高三輔西晉書云味以白蜜日三
神異經記曰西北荒有人飲甘露食茯苓茯苓未精二倍
典論曰潁川郟儉能辟穀餌茯苓初儉至市茯苓價暴貴
數倍志曰山陰縣人服之數日為茯苓望松樹赤者下有
之志曰赤麻林下神仙傳曰秀眉公餌茯苓得仙報顯和入代映前人也
又曰皇初起以弟初平得道乃棄妻子留就初平共服松
柏茯苓至五萬日能坐在立亡行日中無影有童子之色
及俱還鄉里親戚死亡略盡乃復俱去臨去以方教南伯

遂易姓為赤初起字魯班初平字為松子其後服此藥得
 仙者數十人
 列仙傳曰犢子者鄴人也少在黑山上採松子茯苓餌而
 服之且數百年時壯時老時好時醜時人乃知仙人也
 廣志曰茯苓松汁所作勝茯苓或曰松根茯苓貫著之生
 朱提濮陽縣
 博物志曰仙傳云松柏入地中千年化為茯苓茯苓千年
 化為虎魄一名江珠今太山出茯苓而無虎魄江珠益州
 永昌郡出虎魄而無茯苓或云蜂燒窠所作未詳二說
 嵩高山記曰取松柏茯苓二斤醇酒漬之和以白蜜日三
 服乃通靈

名山略記曰鬱州山出茯苓

吳氏本草曰茯苓通神桐君甘雷公扁鵲甘無毒或生益

州大松根下入地三尺一丈二月七月採

本草經曰茯苓一名茯神味甘平生山谷治曾脅山氣憂

患悸驚生太山林一治風火麻痺地山雷公治癰毒

太山猪苓

莊子曰豕囊藥也司馬彪注曰豕囊一

本草經曰猪苓一名豨猪矢味甘平生山谷治痰瘧解毒

蠱蛀不祥利水道久服輕身能不老生衡山

吳氏本草曰猪零神農甘雷公苦無毒如茯苓或生宛句

八月採

卷柏

建康記曰建康出卷柏

范子計然曰卷柏出三輔

本草經曰卷柏一名萬歲味辛温生山谷治五藏邪氣

本草綱目卷之九十一
吳氏本草曰卷柏一名豹足一名求股一名萬歲一名神
投時神農平桐君雷公甘生山谷鄭氏婚禮謁文曰卷柏
藥草附生山顛屈卷成性終無自伸

甘草

本草經曰甘草一名美草一名蜜甘

廣雅曰重皮厚朴也

范子計然曰厚朴出弘農

本草經曰厚朴味苦溫生山谷治中風傷寒熱血痺死肌
去蟲生太山

吳氏本草曰厚朴一名厚皮神農岐伯雷公苦無毒李氏
小溫生交陞

黃精

廣雅曰黃精龍銜也

又曰黃精葉似小黃也

抱朴子曰黃精一名菟竹一名鷄格一名岳珠服其花勝
其實花生十斛乾之則可得五六升服之十年乃可得益
壽

列仙傳曰脩羊公魏人也止華陰山石室中中有懸石塌
卧其上塌盡穿陷略不食時取黃精服之

神仙傳曰王烈字長能邯鄲人也常服黃精
又曰白菟公服黃精而得仙
永嘉記曰黃精出松陽永寧縣

遊名山志曰石室藥多黃精
博物志曰黃帝問天姥曰天地所生豈有食之令人不死
者乎姥曰太陽草名黃精餌食之可以長生

胡麻

廣雅曰狗蝨鉅勝藤菰胡麻也

孝經援神契曰鉅勝延年宋均注曰世以鉅勝為枸杞子

晉書安帝紀曰殷仲堪在荊州以胡麻為廩

廣志曰胡麻一名方莖服之不老耐風濕其葉名青蘘也

淮南子曰汾水濛濁而宜胡麻

列仙傳曰關令尹喜與老子俱之流沙西服鉅勝實莫知

所終

魯女生別傳曰女生長樂人也少好道初服餌胡麻及朮

絕穀八十餘年更少壯色如桃華一日能行三百里走及

麀鹿

抱朴子曰胡麻好者一石蒸之如炊須暴乾復蒸九次細

篩白蜜丸如雞子日二枚一年而色美身體滑二年白髮

黑三年齒落更生四年入水不濡五年入火不燠六年走

及奔馬或蜜水和作餅如糖狀炙食一餅

抱朴子內篇曰胡麻服餌不老耐風濕

吳氏本草曰胡麻一名方莖一名狗蝨神農雷公甘平無

毒立秋採青蘘一名蔓神農雷公甘

本草經曰胡麻一名巨勝味甘平生川澤治傷中虛羸補

五臟益氣久服輕身不老生止黨

崔寔四民月令曰二月可種胡麻謂之上時也

爾雅曰薜山蘄

廣雅曰山蘄音歸今似薜而蘄大蘄音巨中切

吳志曰曹公問太史慈名遺書以篋封之發看無所道但

貯當歸

魏氏春秋同異曰姜維得母書并當歸維曰良田百頃不

在一畝但有遠志不見當歸其背親殉利如此

范子計然曰當歸出隴西無苦者善

秦州記曰隴西襄武縣有牛山是出當歸

建康記曰建康出當歸不堪用

廣州記曰鄣平縣出當歸

博物志曰神農經曰下藥治病謂大黃除實當歸止痛

崔豹古今注曰牛亨問將離別相贈以芍藥何也答曰芍藥一名將離故將別贈以芍藥猶相招則贈以蘼蕪蘼蕪一名當歸也

本草經曰當歸一名子歸味甘温生川谷主治逆上氣温瘧寒熱生隴西

吳氏本草曰當歸神農黃帝桐君扁鵲甘無毒岐伯雷公辛無毒李氏小温或生羌胡地

遠志

爾雅云萋鳥了繞蕪今遠志也似麻黃赤華葉銳而黃其上為之小草棘蕪音棘宛

抱朴子內篇曰陵陽仲服遠志二十年有子三十七人坐在立亡

世說曰謝太傅始有東山之志後命屬掾不獲已始就桓公司馬于時人有致和公藥草者中有遠志公取以問謝

此藥又名小草何以物有二稱謝未即答爾時郝隆在坐謝因曰郝參軍多知識試復通看郝應聲曰答此其易解

處則為遠志出則為小草於是謝公殊有愧色相目謝而笑曰郝參軍此通乃不惡亦甚有會

本草經曰遠志一名棘宛一名要繞久服輕身不忘葉名小草生太山及宛勾

細辛

山海經曰浮戲之山東有蛇谷上多少辛

管子曰五沃之土群藥生少辛

范子計然曰細辛出華陰色白者善

名山志曰松陽諸山草多細辛

永嘉記曰細辛出松陽

本草經曰細辛一名少辛味温生山谷治欬逆明目通利

九竅久服輕身生華陰

吳氏本草曰細辛一名小辛一名細辛神農黃帝雷公桐

君辛小温岐伯無毒李氏小寒如葵葉赤色一根一葉相

連二月八月採根

續斷

范子計然曰續斷出三輔

廣州記曰鄣平縣出續斷

本草經曰續斷一名龍豆味苦微温生山谷治傷寒補不足金瘡癰瘍折跌續筋骨婦人乳難崩中漏血久服益力生常山

吳氏本草曰龍芎一名龍多一名龍鬚一名續斷一名龍

本一名草毒一名龍華一名懸菟神農李氏小寒雷公黃

帝苦無毒扁鵲辛無毒生梁州七月七日採

范注萬曰續斷即是馬薺與水薺葉相似但大於水薺耳

葉似旁翁菜葉但小厚兩邊有刺刺人其華紫色

肉菘蓉

本草經曰肉菘蓉味甘微温生山谷治五勞七傷補中除

莖中寒熱養五藏強陰益精氣多子婦人癆瘵久服輕身

生河西

吳氏本草曰肉菘蓉一名肉松容神農黃帝鹹雷公酸李

太平御覽

卷九百八十九

八

菘蓉

氏小温生河東山陰地長三四寸藂生或代郡鴈門二月八月採陰乾用之

山海經曰升山草多藂蕒上藂署二音下余預三音

湘中記曰永和初有採藥衡山者道迷糧盡過巖下見一老公與四五年少對坐執書告以飢與之食物如署預指

教所去五六月至家而不復飢范子計然曰儲蕒本出三輔白色者善

本草經曰署豫一名山芋味甘温生山谷治傷中虛羸補中益氣力長肌肉除邪氣寒熱久服輕身耳目聰明不飢延年生嵩高

吳氏本草曰署豫一名諸署秦楚名玉延齊越名山羊鄭

越名山羊一名玉延一名脩脆一名兒草神農甘小温桐

君雷公甘無毒或生臨胸踵山始生赤莖細蔓五月華白七月實青黃八月熟落根中白皮黃類芋二月三月八月採根慈甘遂○曹毗杜蘭香傳曰蘭香降張碩與三署預實曰食此可以辟霧露碩食二懷一欲以歸香曰可自食不得持去

異苑曰署預一名山羊根既入藥又復可食若掘取默默則獲唱名者不可得

地黃

爾雅曰芑音地黃郭璞注曰一名地音地黃江東呼芑也

抱朴子曰楚文子服地黃八年視有光手上車弩本草經曰地黃一名地髓治傷中長肌肉生成陽

雖充腹而死也今燕雖弱小秦王之女婿大王利其十城
啄音許穢切
而長與強秦為仇今使弱燕為鴈行而強秦繼推其後是

食烏喙之類也
漢書曰宣帝許皇后產霍顯使醫搗附子入與后后崩
淮南子曰夫天下之物其凶於奚毒附子然而良醫橐而

藏之有所用也
抱朴子曰療聾或以狼毒治葛或以附子葱涕合內耳或

蒸鯉魚腦灌之皆愈
范子詩然曰附子出蜀武都中白色香善

楚國先賢傳曰孔休傷頰有癰王莽曰玉屑白附子香消

癰乃以劔璣音滯并香與之
荆州記曰宜郡都門生藥草有附子
博物志曰物有同類而異用者烏頭天雄附子一物春夏

各異
大業拾遺記曰汾陽官所出各藥數十種附子天雄並精

好堪用
本草經曰附子味辛温出山谷治風寒欬逆邪氣寒濕痺

痺拘緩不起疼痛温中金瘡生于犍為為百藥之長

吳氏本草曰附子名葇神農辛岐伯雷公甘有毒季氏苦

有毒大温或生廣漢八月採皮黑肌白
天雄

本草曰天雄味辛甘温大温有大毒主大風破積聚邪氣

強筋骨輕身健行長陰氣強志令人武勇力作不倦一名

白幕生少室山谷
淮南子曰天雄雄雞志氣益取天雄三枚內雄雞腹

烏頭

說文曰薊阻力烏頭也

爾雅曰芟居切及堇草郭璞注曰即烏頭

梁冀傳曰冀迫殺天家母宜服烏頭丸而死

後魏書曰匈奴秋收烏頭為毒藥以射禽獸

范子計然曰烏頭出三輔中白者善

崔寔四民月令曰三月可採烏頭

本草經曰烏頭一名烏喙一名葉毒一名薊味辛温生川

谷主治風中惡洗出汗除寒温生朗陵

吳氏本草曰烏頭一名莨一名千秋一名毒公一名果負

一名歌子神農雷公桐君黃帝甘有毒正月始生葉厚莖

方中空葉四面相當與蒿相似

又曰烏喙神農雷公桐君黃帝有毒李氏小寒十月採形

如烏頭有兩枝相合如鳥之喙名曰烏喙也所畏惡使盡

與烏頭同一名薊子一名莨神農歧伯有大毒李氏大寒
八月採陰乾是附子角之大者畏惡與附子同

提母

爾雅曰薊音沈音瀋音頓生山上葉

范子計然曰提母出三輔黃白者善

吳氏本草曰母一名提母神農桐君無毒補不足益氣

五味

爾雅曰莖莖五味也蔓生子蔓在

聖賢冢墓記曰孔子墓上五味樹

抱朴子曰羨門子服五味十六年始降玉女能入水火

本草經曰五味一名會及

吳氏本草曰五味一名玄及

典術曰五味者五行之精其子有五味淮南公羨門子服

五味十六年入水不濡入火不焦日行萬里

雷丸

范子計然曰雷丸出漢中色白者善

本草經曰雷公丸一名雷矢味苦寒生山谷

吳氏本草曰雷丸一名雷寶神農苦黃帝岐伯桐君甘有

毒扁鵲甘無毒李氏大寒或生漢中八月採

藜蘆

廣雅曰藜蘆葱苒也

本草經曰藜蘆一名葱苒味辛寒生山谷主治蠱毒生太

山

范子計然曰藜蘆出河東黃白者善

吳氏本草曰藜蘆一名葱葵一名山葱一名豐蘆一名蕙

葵一名葱苒神農雷公辛有毒黃帝有毒岐伯鹹有毒李

氏大毒大寒扁鵲苦有毒大葉小根相連二月採根

虎掌

本草經曰虎掌味苦温生山谷治心痛寒熱

吳氏本草曰虎掌神農雷公無毒岐伯桐君辛有毒或生

太山或宛旬立秋九月採

貫衆

爾雅曰灤貫衆孫炎曰一名貫渠郭璞注曰紫負銚莖毛黑布地生冬不死也

廣雅曰貫節貫衆也○本草經曰貫衆一名貫節一名百

頭一名貫渠一名虎卷一名扁射味苦微寒生山谷治腹

中邪氣諸毒殺三蠱生玄山亦生宛旬

吳氏本草曰貫衆一名貫來一名貫中一名渠母一名貫

鍾一名伯芹一名藥藻一名扁符一名黃鍾神農岐伯苦

有毒桐君扁鵲苦一經甘有毒黃帝鹹酸微苦無毒葉青

黃兩兩相對莖黑毛聚生冬夏不死四月華白七月實黑聚相連卷旁行生三月八月採根五月採葉
周易參同契曰治葛巴豆一兩入喉雖周文兆警孔丘占相扁鵲操鍼巫咸叩鼓安能蘇之
唐書曰袁恕已與劬暉等累被貶黜流于環州尋州利貞左右逼令飲野葛汁數升不死因擊殺之恕已素服黃金故毒藥不發

博物志曰魏武習啖治葛至一尺亦多飲醜近世事相傳云又曰鉤吻草與堇菜相似
南州異物志曰廣州俚賊若鄉里負其家債不時還者子弟便取治葛一名鉤吻數寸許到債家門食鉤吻而死其家稱怨誣債家殺之債家慙懼以財物辭謝多數十倍死

家便收尸去不以爲恨

述異記曰晉義熙中有劉遁者居江陵忽有鬼來遁宅上遁貧無竈以升鎗煮飯飯欲熟輒失之尋覓於籬下草中但得餘空鎗遁密市治葛煮以作糜鬼復竊之於屋北得鎗仍聞吐聲從此寂絕

相譚新論曰余與劉子駿言養性無益其兄子伯玉曰天生殺人藥必有生人藥也余曰鉤吻不與人相宜故食則死非爲殺人生也譬若巴豆毒魚礬石賊鼠桂害獺杏核殺狗天非故爲作也

論衡曰萬物含太陽者有毒在草爲巴豆治葛

抱朴子中經曰鉤吻狼毒太陰之精氣主殺故入口令人死

葛洪方曰鉤吻與食芹相似而生處無他草其莖有毛誤

食之殺人

本草經曰鉤吻一名野葛味辛温生山谷主治金瘡中惡風欬逆上氣水腫殺蠱毒鬼注

吳氏本草曰秦鉤吻一名毒根一名野葛神農辛雷公有毒殺人生南越山或益州葉如葛赤莖大如箭方根黃色或生會稽東治正月採

嶺表錄異曰野葛毒草也俗呼胡蔓草誤食之則用羊血漿解之或說此草蔓生葉如蘭香光而厚實毒多着於生葉中不得藥解半日輒死山羊食其苗則肥而大

芎藭

春秋左傳曰宣公下曰楚師伐蕭還無社與司馬外言號申叔展曰有山芎藭乎杜預注芎藭所以禦濕欲使無社逃泥水中說文曰芎藭香草也

山海經曰號山洞庭之山其草多芎藭郭璞注曰芎一名

臨海縣有江離草生水中正青如亂髮乾獻之亦鹽藏其汁名為濡酪楚辭所云離是也

范子計然曰芎藭生治無枯者善

遊名山志曰橫山諸山草多芎藭

本草經曰芎藭味辛温治中風入頭腦痛寒痺生武功

吳氏本草曰芎藭一名香果神農黃帝歧伯雷公辛無毒

香扁鵲酸無毒李氏主温中熱寒或生胡無桃山陰或斜

谷西嶺或太山葉香細青黑文赤如藁本冬夏藂生五月

華赤七月實黑端兩葉三月採根根有節似如馬銜狀

澤瀉

典術曰食澤瀉身輕日行五百里走水上可遊無窮致玉

女神仙一名澤芝

升麻

廣雅曰周升麻升麻也

本草經曰升麻一名周升麻味甘辛生山谷治辟百毒殺百老殃鬼辟温疾瘴邪毒蠱久服不天生益州華陽國志曰牧麻縣出好升麻

吳氏本草曰升麻神農甘

山海經曰條谷之草多芍藥洞庭之上多芍藥

毛詩溱洧曰唯士與女伊其相謔贈之以芍藥

芍藥香草也詩義疏曰今芍藥了無香氣非是也未審今何草司馬相如賦云芍藥之和揚雄賦曰甘甜之和芍藥之美然芍藥又入食

廣雅曰黑攣夷芍藥也

晉宮閣名曰暉章殿前芍藥華六畦

范子計然曰芍藥出三輔

建康記曰建康出芍藥極精好

本草經曰芍藥味苦辛生川谷主治邪氣腹痛除血痺破

堅積寒熱癰瘕止痛

吳氏本草曰一名甘積一名解倉一名誕一名餘容一名白朮

神農苦桐君甘無毒岐伯鹹李氏小寒雷公酸二月三月生

澤蘭

廣雅曰虎蘭澤蘭也

建康記曰建康出澤蘭

本草經曰澤蘭一名虎蘭一名龍棗味微温無毒生池澤

治乳婦衄血生汝南又生大澤旁

吳氏本草曰澤蘭一名水香神農黃帝岐伯桐君酸無毒

李氏温生下地水旁葉如蘭二月生苗赤節四葉相值支

節閏三月三日採

博物志曰菝茀

茀入與華解相亂名狗脊

吳氏本草曰菝茀一名百枝

廣雅曰菝茀狗脊也

本草經曰狗脊一名百丈味苦平生川谷治腰背強開機

緩急風痺寒濕膝痛利老人生常山

建康記曰建康出狗脊

吳氏本草曰狗脊一名狗青一名菝茀一名赤節一名強

脊神農苦桐君黃帝岐伯雷公扁鵲甘無毒李氏温如草

菝茀節如竹有刺葉圓青赤根黃白亦如竹根毛有刺岐

伯一經莖無節葉端圓赤皮白有赤脉二月採

牡蒙

吳氏本草曰牡蒙一名紫參一名象戎一名膏腹一名伏

菟一名重傷神農黃帝苦李氏小寒生河西山谷或宛句

商山圓聚生根黃赤有文皮黑中紫五月華紫赤實黑大

如豆三月採根

本草經曰白頭翁

一名野丈人一名胡王使者味苦温無

毒生川谷治温瘧癭氣狂易

建康記曰建康出白頭翁

范子詩然曰野丈人出洛陽

吳氏本草曰白頭翁一名野丈人一名奈何草神農扁鵲

苦無毒生嵩山川谷治氣狂寒熱止痛

枸杞

廣雅曰地節枸杞

太平御覽

卷九百九十九

八

抱朴子曰枸杞或名地骨或名却老或名西王母杖或名仙人杖

本草經曰枸杞一名杞根一名地骨一名地輔服之堅筋骨輕身耐老

吳氏本草曰枸杞一名杞芑一名羊乳

本草經曰白及一名甘根一名連及草味苦辛治癰腫惡瘡敗疽生北山

晉宮闈名曰華林白及三株

建康記曰建康出白及

吳氏本草曰白及一名曰根神農黃帝辛李氏大寒雷公

辛無毒莖葉如生薑藜蘆也十月華直上紫赤根白連二月八月九月採生宛句

太平御覽卷第九百九十一

太平御覽卷第九百九十一

太平御覽卷第九百九十一

藥部八

人參 丹參 玄參 沙參

紫參 苦參 菜萸 山菜萸

占斯 杜仲 黃耆 黃連

防己 王不留行 徐長卿 菴闍

胡問 菴闍 漏蘆 萎萎 離南

白菟藿 旋復 爵麻 小華

女苑 丹草 鬼督郵 白鮮

薇荷 翹根 王青人 蓋玉 盧精

不屈草 陸英 藥菜 木香

杜衡 蠶寶華 鼠李 山藥

人參

太平御覽

說文曰人蔘音出上黨

春秋運斗樞曰搖光星散為人參癆江淮山瀆之利則搖

光不明人參不生劉英

禮斗威儀曰君乘水而王有人參生

廣雅曰藎地精人參也

梁書曰阮孝緒母王氏忽有疾合藥須得生人參舊傳鍾

山所出孝緒躬歷幽險累日不逢忽見一鹿前行孝緒感

而隨後至一所遂滅就視果獲此草母得服之遂愈

異苑曰人參一名土精生上黨者佳人形皆具能作兒啼

昔有人掘之始下數鏹音華便聞土中有呻聲尋音而取果

得一頭長二尺許四體畢備而髮有損缺處將是掘傷所

以呻也

石勒別傳曰初勒家園中生人參葩茂甚盛于時父老相

者皆云此胡體奇貌異有大志量其終不可知勸邑人厚

遇之遇之潛夫論曰夫理世不得真賢譬猶疾不得真藥也疾當得

真人參反得蘿菔已不識真而飲之病浸以劇不知為人

所欺也所欺也傅子曰先王之制九州異賦天不生地不養君子不以爲

禮若河內諸縣去北山絕遠而各調出御上黨真人參上

者十斤下者五十斤所調非所生民以爲患

范子計然曰人參出上黨狀類人者善廣五行記曰隋文帝時上黨有人宅後每夜有人呼聲求

之不得去宅一里但一人參枝苗掘之入地五尺得人參

一如人體狀去之後呼聲遂絕

本草曰人參味甘微寒生山谷主補五藏安定精神魂魄

大平御覽

除邪止驚明目開心益智久服輕身延年生上黨
廬山記曰山中藥多人參

吳氏本草曰人參一名土精一名神草一名黃參一名血
參一名久微一名玉精神農甘小寒桐君雷公苦岐伯黃
帝甘無毒扁鵲有毒或生邯鄲三月生葉小兒核黑莖有
毛三月九月採根根有頭足手面目如人

慕容晁與顧和書曰今致人參十斤

吳氏本草曰丹參一名赤參一名木羊乳一名鄒蟬草神
農桐君黃帝雷公扁鵲苦無毒李氏大寒岐伯鹹生桐柏
或生太山山陵陰莖華小方如荏有毛根赤四月華紫三
月五月採根陰乾治心腹痛

玄參

廣雅曰鹿腸主玄參也

建康記曰建康出玄參

范子計然曰玄參出三輔青色者善

本草經曰玄參一名重臺味苦微寒生川谷治腹中寒熱

女子乳補腎氣令人目明生河間

吳氏本草曰玄參一名鬼藏一名正馬一名重臺一名鹿

腸一名端一名玄臺神農桐君黃帝雷公扁鵲苦無毒岐

伯鹹李氏寒或生宛句山陽二月生葉如梅毛四四相值

似芍藥黑莖莖方高四五尺華赤生枝開四月實黑

廣雅曰苦心沙參也

建康記曰建康出沙參

范子計然曰白沙參出雒陽白者善

本草經曰沙參一名知母味苦微寒生川谷治血積驚氣除寒熱補中益肺氣生河內

吳氏本草曰白沙參一名苦心一名識美一名虎須一名

白參一名志取一名文虎神農黃帝扁鵲無毒岐伯鹹李

氏大寒生河內川谷或般陽瀆山三月生如葵葉青實白

如芥根大白如蕪菁三月採

本草經曰紫參一名壯蒙苦寒無毒治心腹積聚寒熱邪

氣利大便通九竅生河西及宛甸治牛病生林陽

建康記曰建康縣出紫參

范子計然曰紫參出三輔赤青色者善

本草經曰苦參一名水愧

本草經曰苦參一名水愧

茱萸

西京雜記曰漢武帝宮人賈佩蘭云在宮時九月九日佩茱萸飲菊花酒令人長壽

地理志曰九月九日為絲茱萸囊戴之臂上

風土記曰俗上九月九日謂為上九茱萸到此日氣烈熟

色赤可折茱萸囊以插頭云辟惡氣禦冬

續齊諧記曰汝南桓景隨費長房遊學累年房謂之曰九

月九日汝家有災厄宜令急去家人各作絳囊盛茱萸以

繫臂上登高飲菊花酒此禍可消景如言舉家登高山夕

還見鷄犬牛羊一時暴死房聞之曰此代矣今世人每至

此日登高山飲酒戴茱萸囊是也

廣古今五行記曰晉懷帝時無錫縣有四株茱萸樹生狀

若連理郭璞卜云延陵有鼯鼠後當有拔樹儻有此東南

數百里有作逆者及樹生而徐夔作亂

本草經曰菜萁一名藪音毅味辛温生川谷開腠理根去三

蟲久服輕身生上谷

晉宮閣名曰華林園菜萁三十六株

范子計然曰菜萁出三輔

山菜萁

本草經曰山菜萁一名蜀酸棗平生山谷治心下邪氣寒

熱温中逐寒濕去三蟲久服輕身生漢中

建康記曰建康出山菜萁

范子計然曰山菜萁出三輔

吳氏本草曰山菜萁一名魁音實一名鼠矢一名雞足神

農黃帝雷公扁鵲酸無毒岐伯辛一經酸或生宛句琅邪

或東海承縣葉如梅有刺毛二月華如杏四月實如酸棗

赤五月採實

占斯

本草經曰占斯一名虞及味苦

杜仲

吳氏本草曰杜仲一名木綿一名思仲昔藥譜李九小寒

黃耆

秦州龍口隴西襄武縣出黃耆秦中川谷所產最良日淋滑

本草經曰黃耆味甘微温生山谷

黃連

廣雅曰王連黃連也

范子計然曰黃連出蜀郡黃肥堅者善

神仙傳曰封君達服黃連五十餘年入烏鼠山服練水銀

百餘歲常騎青牛行民間有疾病者不問識與不識皆與

藥即差
又曰黑穴公服黃連得仙
名山記曰扶容石草多黃連
湘州記曰邵陵夫夷縣衡山出黃連
永嘉記曰松陽縣草有黃連覆地土人取者必禱祠於失
神意則化爲異物
本草經曰黃連一名玉連味苦寒生川谷治熱氣日痛背
傷泣出明目生巫陽
吳氏本草曰黃連神農岐伯黃帝雷公苦無毒李氏小寒
或生蜀郡太山之陽
本草經曰防己一名防己一名防己一名防己
范子計然曰防己出漢中旬陽
本草經曰防己一名石解味辛平無毒治風寒温瘧熱氣

通湊理利九竅生漢中
吳氏本草經曰木防己一名解離一名解燕神農辛黃帝
岐伯桐君苦無毒李氏大寒如葛莖蔓延如芎白根外黃
似桔梗內黑文如車輻解二月八月十月採葉根
本草經曰王不留行味苦平生山谷久服輕身能老生大
山
崔寔四民月令曰八月采王不留行
世說曰衛江州在尋陽
劉孝標曰云南
展爲江州刺史
有知舊人投之都
不料理唯餉王不留行一斤此人得餉命駕
吳氏本草經曰王不留行一名王不留行神農苦平岐伯
雷公甘三月八月採

徐長卿

本草經曰徐長卿一名鬼督郵味辛温生山谷治鬼物百

精蠱毒疾疫邪氣温鬼久服強悍輕身生太山

吳氏本草曰徐長卿一名石下長卿神農雷公辛或坐隴

西三月採謂其葉不凋者曰徐長卿

本草經曰奄闍味苦微寒生川谷治風寒濕痺身體諸痛

久服輕身不老生雍州

吳氏本草經曰奄闍神農雷公桐君岐伯苦小温無毒李

氏温或生上黨葉青厚兩兩相當七月花白九月實黑七

月乃月十月採驢馬食仙去以八月十月採葉

建康記曰建康出草盧茄一名熱麻

范子計然曰閭茄出武都黃色者善

本草經曰閭茄味辛寒生川谷治蝕惡肉敗瘡死肌仍殺

疥蟲除大風生代郡

吳氏本草經曰閭茄一名離樓一名屈居神農辛岐伯酸

鹹有毒李氏大寒二月採葉實黃高四五尺葉四四相當

四月華黃五月實黑根黃有汁亦同黃三月五月採根黑

頭者良

吳氏本草經曰漏盧一名野蘭

爾雅曰熒委萎郭璞注曰藥草也葉如竹大者如箭竿有

公扁鵲甘無毒黃帝辛生太山山谷葉青黃相值如薑二月七月採治中風暴熱久服輕身

離南

爾雅曰離南活菴也

草生江南高丈許大葉

山海經曰升山草多冠脫

郭璞注曰草生南方高丈許葉似荷葉

本草經曰白菟藿

吳氏本草經曰白菟藿一名白葛藿

旋復

爾雅曰覆

皆盜庚旋復似菊

本草經曰旋復花一名金沸草

吳氏本草經曰爵麻生漢中

爵麻一名爵卿

爵卿一名爵卿

吳氏本草曰小華

一名結草

女苑

吳氏本草曰女苑一名白苑一名織女苑

廣雅曰女腹一名女苑也

丹草

本草經曰石長生一名丹沙草味鹹微寒生山谷治寒熱

惡瘡火熱辟惡氣不祥鬼毒生咸陽

吳氏本草曰石長生神農苦雷公辛一經甘生咸陽或同

陽

鬼督郵

本草經曰鬼督郵一名赤箭一名離母味辛溫生川谷殺

鬼精物治蟲毒惡氣久服輕身益力長陰肥健生雍州

建康記曰建康出鬼督郵
吳氏本草曰鬼督郵一名神草一名闔狗或生太山或生
室莖如箭赤無葉根如芋子三月四月八月採根用乾治
雍腫

本草經曰白鮮治酒風

吳氏本草曰薇薺一名麝薺一名無願一名承膏一名承
醜一名無心鬼

本草經曰翹根味苦生平澤治下熱氣益陰精令人面悅
好明目久服輕身能老生嵩高

吳氏本草曰翹根神農雷公甘有毒二月八月採以作蒸

飲酒病人

蓋余恠切

本草經曰蓋草味苦

盧精

本草經曰盧精治蠱毒味辛平生益州

屈草

本草經曰屈草實根味苦微寒生川澤治胃脅下痛邪氣
腹間寒陰痺久服輕身補益能老生漢中

陸英

本草經曰陸英生熊耳山

蘩菜

本草經曰蘩菜一名白英味甘寒生山谷治寒熱久服輕

身延年益州

金瓶文庫

本草經曰木香一名木蜜香味辛温無毒治邪氣辟毒疫

温鬼強志生氣不足久服不夢寤寐輕身致神仙生永昌山谷陶隱居云此即青木香也永昌不復貢今皆從外國舶上來云大秦國以療毒腫消惡氣有驗今皆用之

博物志曰杜衡亂細辛

蠶寶華

吳氏本草曰蠶寶一名劇草一名三堅一名劇荔華

鼠李

吳氏本草曰鼠李一名牛李

金澤文庫

太平御覽卷第九百九十一

太平御覽卷第九百九十二

藥部九

款冬

芫華

羊躑躅

旋華

黃芩

恒山

蜀漆

蕪荑

秦皮

枳實

防風

大黃

石斛

半夏

射干

蓮草

牛膝

牡丹

茵芋

獨活

紫威

大戟

栝樓

蕤核

地膚

貝母

海藻

豕首

當陸

敗醬

綸布

石龍芮

蛇床

雲實

款冬

爾雅曰菟奚顆凍也郭璞注曰款冬生水中華紫赤凍音東

太平御覽

卷第九百九十二

王乾

述征記曰洛水至歲末凝厲則款冬生曾冰之中
本草經曰款冬一名橐石一名顆冬一名虎鬚一名菟奚
味辛温

傅咸款冬賦曰余曾逐禽登于北山于時仲冬之月山冰
凌盈谷積雪被崖顧見款冬燁然始敷華艷春暉既麗且
殊以堅冰爲膏壤吸霜雪以自濡非天然之真貴曷能彌
寒暑而不渝

芫華

本草經曰芫華一名去水味辛温治欬逆上氣殺蟲生淮
原

建康記曰建康出芫華

范子計然曰芫華出三輔

吳氏本草曰芫華一名去水一名敗華一名兒草根一名

黃人戰神農黃帝有毒扁鵲岐伯若李氏大寒三月生華
青加厚則黑華有子紫赤白者三月實落盡葉乃生三月
五月採華芫花根一名赤芫根神農雷公苦有毒生邯鄲
九月八月採陰乾入瓶令人洩可用毒殺魚

廣雅曰羊躑躅決光也

建康記曰建康出躑躅黃文一各

本草經曰羊躑躅味辛温生川谷治賊風濕痺惡毒生太

行山

吳氏本草曰羊躑躅花神農雷公辛有毒生淮南治賊風

惡毒諸邪氣

旋華

本草經曰旋華一名薊根一名美草去面黥黑令人色悅

太平御覽

澤根主腹中寒熱邪氣生豫州或豫章

黃芩

說文曰蒼黃芩也

廣雅曰妬眉黃文內虛黃芩也

本草經曰黃芩一名腐腸味苦平生川谷治諸熱

范子計然曰黃芩出三輔色黃者善

吳氏本草曰黃芩一名黃文一名妬婦一名虹勝一名經

芩一名印頭一名內虛神農桐君黃帝雷公扁鵲苦無毒

李氏小溫二月生赤黃葉兩兩四四相值莖空中或方員

高三四尺四月花紫紅赤五月實黑根黃二月至九月採

廣雅曰恒山茶蜀漆也

漢書地理志曰武陵有恒山縣孟康注曰音恒出恒山藥

恒山

遊名山記曰橫陽諸山草多恒山

永嘉記曰恒山出松陽永寧縣

本草經曰一名玄草味苦寒生川谷主治傷寒發溫瘧鬼

毒胃中結吐逆生益州

吳氏本草曰恒山一名七葉神農岐伯苦李氏大寒桐君

辛有毒二月八月採

蜀漆

本草經曰蜀漆味辛平治瘡及欬逆寒熱腹癆堅邪氣蠱

毒鬼蛀

建康記曰建康出蜀漆

范子計然曰蜀漆出蜀郡

吳氏本草曰蜀漆葉一名恒山神農岐伯雷公辛有毒黃

帝辛一經酸如漆葉藍菁相似五月採

蕪荑 本草經曰蕪荑味辛一名無姑一名蕪音蕪音去三蟲化食逐寸白散腹中噎噎喘息

本草經曰秦皮味苦微寒生川谷治風濕痺寒氣除熱目

中青翳久服頭不自輕身生廬江建康記曰建康出秦皮

吳氏本草曰岑皮一名秦皮神農雷公黃帝岐伯酸無毒

李氏小寒或生宛句水邊二月八月採淮南萬畢術曰岑皮致水

淮南萬畢術曰岑皮致水

山海經曰北嶽之山其土多枳

晏子春秋曰晏子使楚楚王使縛一人過問曰縛者何為

者耶對曰齊人坐盜王視晏子曰齊人故善盜乎晏子對曰橘生江南過北為枳水土異也今民生於齊不盜入楚則盜得無楚之水土使民盜耶

崔寔四民月令曰九月九日收枳實

本草經曰枳實味苦寒生川澤治大風在皮膚中如麻豆苦癢除寒熱結止利長肌肉利五藏益氣輕身生河內

吳氏本草曰枳實苦雷公酸無毒李氏大寒九月十月採陰乾

防風

本草經曰防風一名銅芒甘溫生川澤治大風頭眩痛目

盲無所見煩滿風行周身骨節疼痛久服輕身生沙苑

范子計然曰防風出三輔白者善

吳氏本草曰防風一名迴雲一名回草一名百枝一名簡

防風

防風

防風

防風

防風

防風

防風

防風

防風

防風

防風

防風

防風

防風

防風

根一名百韭一名百種神農黃帝岐伯桐君雷公扁鵲甘
無毒李氏小寒或生邯鄲上蔡正月生葉細圓青黑黃白
五月黃花六月實黑二月十月採根日乾琅邪者良

大黃

廣雅曰黃良大黃也

盛弘之荆州記曰建平出大黃

本草經曰大黃味苦寒生山谷治下瘀血閉寒熱破癥瘕
積聚留飲宿食蕩滌腸胃安五藏推陳致新通利水穀道
調中食生河西

吳氏本草曰大黃一名黃良一名火參一名膚如神農雷
公苦有毒扁鵲苦無毒李氏小寒為中將軍或生蜀郡北
部或隴西二月卷生生黃赤葉四四相當黃莖高三尺許
三月華黃五月實黑三月採根根有黃汁切陰乾

石斛

盛弘之荆州記曰隨郡永陽縣有龍石山山上多石斛精

好如金環也

廬山記曰石門山石間多生石斛

范子計然曰石斛出陸安

本草經曰石斛一名林蘭一名禁生味甘平生山谷治傷
中下氣虛勞補五藏羸瘦久服除痺腸胃強陰出陸安
吳氏本草曰石斛神農甘平扁鵲酸李氏寒

半夏

禮記月令曰仲夏之月半夏生

范子計然曰半夏出三輔色白者善

廣州記曰鄞平縣出半夏味苦平生中葉三三
建康記曰建康出半夏極精

本草經曰一名地文水玉味辛平生川谷生槐里

吳氏本草經曰半夏一名和姑生微丘或生野中葉三三

和偶二月始生白華負上

射干射音半夏

廣雅曰鹿廉戴尾烏蓮射干也

易通卦驗曰冬至射干生

拘朴子曰干歲之射干其根如生人長七尺刺之有血以

其血塗足下可步行水上不沒以塗人鼻入水水為之開

以塗足耳則隱形欲見則拭去之

孫卿子曰西方有木名曰射干莖長四寸生於高山之上

際百仞之淵木莖非能長也所立者然也

范子計然曰射干根如安足

建康記曰建康出射干

本草經曰射干一名烏扇一名烏捕味苦辛生川谷治欬

逆上氣生南陽

吳氏本草曰射干一名黃遠

蓮草

廣雅曰下父附支通草也

本草經曰通草一名附支味辛平生山谷去惡蟲除脾胃

寒熱利九竅血脉關節不忘生石城

建康記曰建康出通草

范子計然曰通草出三輔

吳氏本草曰通草一名丁翁一名附支神農黃帝辛雷公

苦生石城山谷葉青蔓延止自汗正月採

牛膝

廣雅曰牛莖牛膝也

本草經曰牛膝一名百倍味苦辛生川谷治傷寒濕痿痺
四支拘攣膝痛不可屈伸久服輕身能老生河內
建康記曰建康出牛膝

吳氏本草曰牛膝神農甘一經酸黃帝扁鵲甘李氏溫雷
公酸無毒生河內或臨邛葉如夏藍莖本赤二月八月採

牡丹

廣雅曰白朮牡丹也

范子計然曰牡丹出漢中河內赤色者亦善

遊名山志曰泉山多牡丹

本草經曰牡丹一名鹿韭一名鼠姑味辛寒生山谷治寒
熱癰傷中風驚邪安五藏出巴郡

吳氏本草曰牡丹神農岐伯辛李氏小寒雷公桐君苦無
毒黃帝苦有毒葉如蓬相值黃色根如指黑中有毒核二

月採八月採日乾可食之輕身益壽

茵芋

吳氏本草曰茵芋一名卑山共微溫有毒狀如莽草而細
軟

獨活

本草經曰獨活一名護羌使者味苦平生益州久服輕身
吳氏本草曰獨活一名胡王使者神農黃帝苦無毒八月
採此藥有風花不動無風獨搖

紫威

本草經曰紫威一名芡華一名陵茗味鹹微寒無毒生川
谷治婦人乳餘疾崩中山癰血寒熱養胎生西海

建康記曰建康出紫威

范子計然曰紫威出三輔

吳氏本草曰紫威一名武威一名瞿麥一名陵居腹一名
鬼目一名芟華神農雷公酸岐伯辛扁鵲苦鹹黃帝甘無
毒如麥根黑正月八月採或生真定

大戟

爾雅曰蕎叩鉅郭璞注曰今藥草大戟也

本草經曰大戟一名叩鉅

括樓

毛詩東山曰我來自東零雨其濛果羸之實亦施于宇

也

又唐蟋蟀葛生曰藪蔓于野詩義疏曰藪括樓

爾雅曰果羸之實括樓今齊人呼之為天瓜

本草經曰括樓一名地樓味苦寒生川谷

吳氏本草曰括樓一名澤巨一名澤治

蕤核

本草經曰蕤核味甘温生川谷主治心腹邪結氣明目赤
痛傷淚出目腫背爛久服益氣輕身生函谷

晉宮閣記曰華林園蕤核三株

吳氏本草曰蕤核一名蕤神農雷公甘無毒生池澤八

月採補中強中強志明耳目久服不飢

地膚

本草經曰地膚一名地華一名地脉一名地葵

貝母

毛詩鄘柏舟載馳曰陟陂阿丘言採其蚩貝母也

爾雅曰菑音貝母也郭璞曰根如小貝

諺文曰菑貝母也

海藻

太平御覽卷第九百九十二
九

范子計然曰雲實生三輔
吳氏本草經曰雲實一名負實一名天豆神農辛小温黃
帝鹹雷公苦葉如麻兩兩相值高四五尺大莖空中六月
花八月九月實十月採

太平御覽卷第九百九十二

蘇氏本草經曰雲實一名負實一名天豆神農辛小温黃
帝鹹雷公苦葉如麻兩兩相值高四五尺大莖空中六月
花八月九月實十月採

太平御覽卷第九百九十三

藥部十

桔梗 忍冬 爵李 房葵 紫苑 黃環 馬刀 淮本 動蓋 桔梗 廣雅曰犁如桔梗
巴豆 淫羊霍 腐婢 麻黃 女萎 菟絲 女青 百部 菹陰實 鬼白 狼牙 落石 菴草 鬼箭 亭歷 薯蕷 地楳 甘遂 王孫 因塵 千歲 垣中 膚皮

太平御覽 卷九百九十三 一

管子曰五沃之土生桔梗

范子訖然曰桔梗出河東洛陽

戰國策曰淳于髡一日而見七士於宣王王曰寡人聞千里一士是比肩而相望百世一聖若隨踵而生也今子一朝而見七士士不亦衆乎淳于髡曰夫鳥同翼者聚飛獸同足者俱行今求桔梗於沮澤累世不能得一及之臯黍梁父之陰則却車載耳王求士於髡譬挹水於河取火於燧也

建康記曰建康出桔梗極精好

搜神記曰鄱陽趙壽有犬蠱有陳岑詣壽忽有大黃犬六七羣出吠岑後余伯婦與壽婦食吐血幾死屑桔梗以飲之乃愈

本草經曰桔梗味辛微溫生山谷治胃脅痛腸鳴驚悸生

蒿高

吳氏本草經曰桔梗一名符菴一名白藥一名利如一名梗草一名盧茹神農醫和苦無毒扁鵲黃帝鹹岐伯雷公甘無毒李氏大寒葉如薺尼莖如筆管紫赤二月生

巴豆

廣雅曰巴菽巴豆也

蜀志曰犍為南安縣出巴豆

晉書曰賈后使太醫令程據合巴豆杏子丸矯詔使黃門孫慮齎至許昌以害太子

列仙傳曰玄俗河閒人餌巴豆雲英賣一九七錢

盛弘之荊州記曰胸膠縣有巴子城地多巴豆

博物志曰隗為夔道縣出巴豆三年重三十斤

太平御覽

卷九百九十三

三

號

本草經曰巴豆一名巴菽味辛温生川谷主治温瘧傷寒熱
破癥瘕結堅通六府去惡肉除鬼毒邪注殺蟲生巴蜀郡
范子計然曰巴菽出巴郡
吳氏本草經曰巴豆一名菽神農岐伯桐君辛有毒黃帝
甘有毒李氏主温熱寒葉如大豆八月採
吳氏本草經曰一名九曰一名天曰一名雀犀一名馬目
公一名解毒生九真山谷及宛句二月八月採根

莽草

范子計然曰莽草出三輔青色香善
淮南萬畢術曰莽草浮魚取莽草葉并陳粟米合搗之以內水魚皆死
本草經曰莽草味辛温生山谷治風頭癰乳疔瘰結氣疥
瘙疽瘡生還谷

吳氏本草經曰莽草一名春草神農辛雷公桐君苦有毒生
上谷山中或宛句五月採治風

本草經曰忍冬味甘服輕身

淫羊霍

本草經曰淫羊霍一名蜀前味辛寒治陰痿傷中益氣強
志除莖痛利小便生北郡陽山

狼牙

本草經曰狼牙一名牙子味寒生川谷治邪氣去白蟲疥
瘡生淮陽治疥瘡六日小兒服八日實無五日八日服
建康記曰建康出狼牙味苦寒雷公曰雷公曰雷公曰雷公曰
范子計然曰狼牙出三輔色白者善

本草綱目卷之九 石部 落石

吳氏本草經曰狼牙一名支蘭一名狼齒一名犬牙一名
抱牙神農黃帝苦有毒桐君鹹岐伯雷公扁鵲苦無毒或
生寬甸葉青根黃赤六月七月華八月實黑正月八月採
根草澤中

本草經曰香蒲一名雕蒲味甘平生池澤冷五藏心下邪
氣堅齒明目聰耳久服輕身能老生南海

吳氏本草曰醮一名醮石一名香蒲神農雷公甘生南海
池澤中

本草經曰郁核一名爵李

本草經曰腐婢小豆花也草所異辛雷公採苦百毒生

本草經曰落石一名峻石味苦溫生川谷治風熱久服輕

身明目潤澤好色不老延年生太山

吳氏本草經曰落石一名鱗石一名明石一名縣石一名

雲華一名雲珠一名雲英一名雲丹神農苦小溫雷公苦

無毒扁鵲桐君甘無毒李氏大寒云藥中君採無毒

廣雅曰鬼箭神箭也
本草經曰衛矛一名鬼箭味苦寒生山谷治女子崩中赤

血腹滿汗出除邪殺鬼毒生霍山谷實一各異一各
吳氏本草經曰鬼箭一名衛與神農黃帝桐君苦無毒葉
如桃如羽正月二月七月採陰乾或生野田

太平御覽 卷九百九十三 四

博物志曰房葵與狼毒相似

本草經曰房葵一名犁蓋味辛冬生川谷久服堅骨髓益氣生疔

吳氏本草經曰房葵一名梁蓋一名爵離一名房苑一名晨草一名利如一名方蓋神農辛小寒桐君扁鵲無毒岐

伯雷公黃帝苦無毒莖葉如葵上黑黃二月生根根大如桔梗根中紅白六月花白七月八月實白三月三日採根

廣雅曰龍沙麻黃也麻黃莖狗骨也本草經曰一名龍沙味苦溫生川谷治中風傷寒出汗去熱邪氣破堅積聚生管地

范子計然曰麻黃出漢中三輔

吳氏本草經曰麻黃一名卑相一名卑監神農雷公苦無

青扁鵲酸無毒李氏平或生河東四月立秋採

慕容晃與顧和書曰全致麻黃五斤

此胡柴胡二音

本草經曰此胡一名地重味苦平生川谷治心腹祛腸胃結氣久服輕身明目益精生引農

吳氏本草經曰此胡一名山來一名如草神農岐伯雷公苦無毒生宛句二月八月採根

爾雅曰葍音亭歷實葉皆似芥一名狗薺

淮南子曰亭歷冬生周髀曰凡北極左右物有朝生暮穫謂亭歷冬生之類

紫苑

遊名山志曰石室紫苑

本草經曰紫苑一名青苑

女萎

本草經曰女萎一名左盼一名玉竹味辛生川谷久服輕身能老生太山

著實

本草經曰著實味苦酸平無毒主益氣充肌膚明目聰慧先知久服不飢不老輕身生少室山谷八月九月採實日乾

地楳

本草經曰地楳一名石龍芮一名食果能味苦平生川澤治風寒久服輕身明目不老生太山

范子計然曰石龍芮出三輔色黃者善

吳氏本草經曰石龍芮一名薑苔一名天豆神農苦平岐

伯酸扁鵲李氏大寒雷公鹹無毒五月五日採

本草經曰黃環一名凌泉一名大就味苦生山谷主治蟲

毒鬼魅邪氣欬逆寒熱生蜀郡

范子計然曰黃環出魏郡黃色者善

吳氏本草經曰蜀黃環一名生芻一名根韭神農黃帝岐伯桐君扁鵲辛一經味苦有毒二月生初出正赤高二尺

葉黃實端大莖葉有汁黃白五月實實三月採根根黃從

理如車輻解治蠱毒

爾雅曰唐蒙女蘿菟絲也
廣雅曰女蘿松蘿也菟丘菟絲也
史記龜策傳曰下有茯苓上有菟絲

博物志曰女蘿菟絲寄草上根不着地

呂氏春秋曰或謂菟絲無根非無根也其不屬也伏苓是也

淮南子曰菟絲無根而生伏苓抽菟絲死

抱朴子曰案仙方中自有合離草一名獨搖一名離母所以謂之合離下根如芋魁有遊子十二枚周環之大魁數尺雖相須生而實不連以氣相屬耳如菟絲之草下有菟菟之根無此菟在下則絲不得生於上又曰初生之根其形似兔搨取刻其血以和丹服之立變化在意所作

吳氏本草經曰菟絲實一名玉女一名松蘿一名烏蘿一名鵝蘿一名複實一名赤網生山谷

劉禎詩曰青青女蘿草上依高松枝幸蒙庇眷恩為惠不

可嘗

石芸

爾雅曰芴勃芴也

范子計然曰石芸出三輔

甘遂

廣雅曰陵旱甘遂也

建康記曰建康出甘遂

本草經曰甘遂味苦寒生川谷治大腹痼脹滿面目浮腫除留飲宿食出中山

范子計然曰甘遂出三輔

吳氏本草經曰甘遂一名主田一名日澤一名重澤一名

鬼醜一名陵藁一名甘藁一名苦澤神農桐君苦有毒岐

伯雷公有毒須二月八月採

馬刀

本草經曰馬刀味辛微寒生池澤治補中漏下赤白留寒熱破石淋殺禽獸賊鼠生江海

范子詩然曰馬刀出河東

吳氏本草經曰馬刀一名齊食古納切神農岐伯桐君鹹有毒扁鵲小寒大毒生池澤江海採無時也

女青

本草經曰女青一名雀黼味辛平生山谷治蠱毒逐邪殺鬼生朱崖

羅浮山記曰又有男青似女青

吳氏本草曰女青一名霍由祇神農黃帝辛

王孫

本草經曰王孫味苦平治五藏邪氣濕痺四肢疼酸生海

吳氏本草經曰黃孫一名王孫一名蔓延一名公草一名海孫神農雷公皆無毒黃帝甘無毒生西海川谷及汝南城郭垣下蔓延赤文莖葉相當

因塵

爾雅曰因塵馬生也

本草經曰因塵蒿味苦治風濕寒熱邪氣結黃疽久服輕身益氣能老生太山

吳氏本草曰因塵神農岐伯雷公皆無毒黃帝辛無毒生田中葉如藍十一月採

淮水

吳氏本草曰淮水神農雷公無毒生晉平陽河東平澤治久欬上氣傷中羸虛補中益氣

百部

抱朴子內篇曰百部黃似拔契治咳殺風
博物志曰百部與門冬相似

吳氏本草曰千歲垣中膚皮得薑赤石脂共治

黽蓋

爾雅曰莖

音韋 黽蓋也實似 蔓而小可食

吳氏本草曰黽瓮一名決盆

捕陰實

吳氏本草曰捕陰實生平谷或圃中延蔓如瓜葉實如桃
七月採止濕延年

太平御覽卷第九百九十三

太平御覽卷第九百九十四

更百卉部一

蕪一藤木也尚餘亦與

香草類

石蘭

公曰林薜荔

胡繩

霸薰

楚蕙

秦蘅

龍鬚

燕麥

日荆葵

菟葵

鳧茈

鳥韭

鹿豆

鹿葱

爾雅曰卉草也

草謂之華木謂之榮不榮而實者謂之秀

榮而不實者謂之英

尚書禹貢曰兗州厥草惟繇

繇茂也

徐州草木漸包

毛詩緇衣野有蔓草

日野有蔓草

零露漙兮

毛詩閟荅曰國多兵役男女怨曠於是女感傷而思男

蔓延也漙漙然盛多也

故出遊於洧之外託采芬香之草而為姪媿之行時草始

生而云蔓者女情急欲以促時也周禮秋官下薙氏曰薙氏掌殺草春初生而萌之夏日至而夷之秋繩而芟之冬日至而耜之鄭玄曰舍實曰繩也

大戴禮曰孟春冰泮百草權輿禮記月令曰孟夏之月靡草死鄭玄曰舊說靡草薺薺也屬季夏之月

大雨時行燒薙行水利以殺草薙地芟草也薙草乾燒草死不生也

又曰霜降之日草木黃落又曰霜降之日草木黃落

又曰檀弓上曰曾子曰朋友之墓有宿草而不哭焉左傳襄公曰松柏之下其草不殖

又僖公曰一薰一蕕十年尚猶有臭蕕臭草薰香草也

春秋潭潛巴曰下不廉蜚廉之草為不生言瑞應之物應行上

論語曰君子之德風小人之德草草上之風必偃

漢書五行志曰元帝永光二年天雨草葉相糾結如彈丸

續漢書五行志曰靈帝中平元年夏東郡陳留濟陽長垣

濟陰諸縣界有草生莖其大如手指狀似鳩爵龍蛇鳥獸

之形五色各如其物毛羽頭目足翅皆具

又曰西夜國生獨白草煎以為藥傅箭所射輒死

崔鴻十六國春秋西秦錄曰永和二年國中地震百草皆

自反○晉書載記曰苻堅至壽春與苻融登城而望王師

見部陣齊整將士精銳又見望入公山上草木皆類人形

顧謂融曰此亦勅敵也何謂少乎憮然有懼色

後周書曰宇文深字奴干性鯁正有器局年數歲便累石

為營伍并折草作旌旗布置行列皆有軍陣之勢父永遇

見之乃大喜曰汝自然知此於後必為名將

又曰岩昌羌俗無文字但候草榮落以記歲時

呂氏春秋曰草有華有藟獨食之則殺人合而食之則益

壽淮南子曰神農始嘗百草一日七十毒

又曰逮至衰世草木之勾萌銜華佩實而死者不可勝數
符子曰隣人謂展禽曰魯聘夫子夫子三黜無憂色何禽
曰春風鼓百草敷蔚吾不知其茂秋霜降百草零落吾不
知其枯

人物志曰草之將精者爲英獸之將群者爲雄張良是英
韓信是雄也

水經曰魏興錫義山山高谷深多生薇蘅草其草有風不
偃無風獨搖

又曰建寧郡山生牧靡可以解毒百卉方盛鳥多悞食鳥

啄世中毒必急飛往牧靡山啄牧靡以解毒也

金樓子曰魯城北孔子塋中不生刺人草

崔豹古今注曰牛亭問曰草木生類也有識乎否曰物有
生而有識者有生而無識者有不生而有識者有不生而
無識者夫生而有識者盡類是地生而無識者草木是也
不生而有識者鬼神是也不生而無識者水土是也

又曰天雨草狀如莎絞如丸無數皆名曰蓮婁草

郭子橫洞冥記曰東方朔曰臣有吉雲草十頃種於九景
山東二千歲一花此草難種陳取璋琅山表之澗以灑之
臣種來一千九百九十九年矣明年應生臣走往刈收之
以秣馬馬食不覺飢帝許之朔平旦去至暮而返背負數
束其形葉似麥而金色裁長二尺刈以飼馬即不覺飢武
帝曰種之生否朔曰臣東遊過吉雲之澤多生此草移於

異物志曰艾草作酒能成其味以金買草不言其貴以美用之故也
 王逸子曰草有玄巨暢威熹木有扶桑梧桐松柏皆受氣淳美異於群類者也
 風俗通曰靈帝光和七年陳留濟陰諸郡路邊草生作人狀操持矛弩牛馬萬狀備具後關東誅董卓陳留濟陰奔好即戎吏民殲殘草妖之興豈不或信
 抱朴子曰草有黃精一名白及有鴟頭鵝尾雞腸烏喙而非有翼之鳥也
 靈書記曰霍山上有神草三十四種
 典術曰壽榮草出少室金山丘下服之令人不老取葉服之可通百神
 又曰餌玉長生草一名通天價直千萬陰乾方寸七日再

服之令人得仙

師曠占曰黃帝問師曠曰吾欲知歲苦樂善惡可知不對曰歲欲豐甘草先生甘草薺也歲欲儉苦草先生苦草者葶藶也歲欲惡惡草先生惡草者水藻也歲欲旱草先生旱草者蒺藜也歲欲潦潦草先生潦草者蓬也

淮南萬畢術曰迴風之草見八方取迴風草三寸三枚五寸五枚以城西面上三

楚辭曰春草生兮萋萋王孫遊兮不歸

古詩曰迴車駕言邁悠悠涉長道四顧何茫茫東風搖百草

又曰新樹蘭蕙葩雜用杜衡草終朝採草榮日暮不盈抱採之欲遺誰所思在遠道

又曰穆穆清風至吹我羅裳裾青袍似春草長條從風舒

又曰青青陵中草傾葉晞朝日陽春被惠澤枝葉可攬結
草木為恩感況人含氣血

薜荔

山海經曰小華之山有草焉曰薜荔狀如烏菹緣木而生
或生石上食之以已心痛

楚辭曰薜荔兮為帷罔結也結辟擗蕙擗兮既張擗

擗以折蕙覆

又曰採薜荔兮水中寒芙蓉兮木末

又曰若有人兮山之阿被薜荔兮帶女蘿

石蘭

楚辭曰疏中石蘭兮以為芳王逸曰石蘭

楚辭曰索胡繩之纒纒胡繩香

草也

范子計然曰霸薰出霸陵也

楚薰

范子計然曰楚薰出洛陽也

楚薺

范子計然曰楚薺出楚國也

秦薺

宋玉風賦曰夫風翱翔激水之上擊芙蓉之精獵蕙草離

秦薺

龍鬚

山海經曰賈超之山草多龍鬚

廣志曰龍鬚一名西王母簪

水經曰自洮強南北三百里中地草並是龍鬚而無樵柴

周景式廬山記曰石門峯石間多龍鬚草
遊名山志曰龍鬚草唯東陽永嘉有縉雲堂意者
謂鼎湖攀龍鬚時有墜落化而為草故有龍鬚之稱
鄭緝之東陽記曰仙姥巖閉不生蔓草盡山龍鬚
本草經曰西超山多龍循龍鬚一名續斷

爾雅曰孟狼尾也郭璞注曰似茅今人亦以覆屋
廣志曰狼尾子可作黍

燕麥

爾雅曰籥雀麥郭璞曰即燕麥
古歌曰田中菟絲何嘗可絡道邊燕麥何常可穫

爾雅曰岐音蚩蚩婢支切餌房九切也郭璞曰今荆葵也似葵紫
色謝氏云小草多華少葉

葉又翹也
毛詩宛丘東門之粉曰視尔如苾詩義蔬曰岐一名楚葵
崔豹古今注曰荆葵一名菟葵一名苾芩花色奪目有紅
有白有赤但花異葉不殊也

蜀葵

爾雅曰葍音堅戎葵也郭璞曰今蜀葵花似木槿
傳玄蜀葵賦序曰蜀葵其苗如瓜瓠嘗種之一名引苗而
生華經二年春乃發
虞繁蜀葵賦曰惟茲瓊草懷芬吐榮挺河渭之膏壤吸昂
井之玄精繞銅爵而疏植映昆明而羅生

菟葵

爾雅曰葍虛機切菟葵郭璞曰頗似葵而葉小
廣志曰菟葵燻之可食

鳧苳

爾雅曰芍

都了切

也

生下田苗似龍鬚而細根如指頭黑色可食

東觀漢記曰王莽末南方枯旱民多餓羣入野澤掘鳧苳而食之

烏菹

廣雅曰昔耶烏菹也生久屋之瓦在房曰昔耶在牆曰垣

衣

鹿豆

爾雅曰菑

音鹿

菹也

郭璞曰今鹿豆也葉似大豆根黃而香蔓延生菹音紉也

說文曰菹鹿菹之實也

本草經曰鹿菹味苦平無毒主治蠱毒女子腎腹痛不樂

腸癰瘰癧瘍氣生汶山山谷

鹿葱

花曰宜男

風土記曰宜男草也宜懷娠婦人佩之必生男

傳玄宜男花賦曰猗猗令草生于中方華曰宜男號膺禎

祥

稽含宜男花序曰宜男花者世有之久矣多殖幽臯曲隰

之側或華林玄圃非衡門蓬宇所宜序也荆楚之士號曰

鹿葱根苗可以薦於俎世人多女欲求男者取此草服之

尤良也

太平御覽卷第九百九十四

太平御覽卷九十九

賦

皇慈慈苗下以滋風里里人冬文始米民齊東出草顯之
之同與神神支相非滿門登空視前出也龍黃之士
赫舍江與蘇浪日羅與蘇者則官之入矣冬食飽早曲
新
階空是與蘇湖日齊齊合草坐于下式雜口且民
以士請曰且民草由江對賦故入則之矣主民

